



Page: 5

Reach: 0

Country: BOSNIA AND HERZEGOVINA

Size: 52 cm2

1 / 1

ZLOUPOTRIJEBILI POPLAVE KAKO BI DOŠLI DO NOVCA

Uhapšena četiri lica

Policijski službenici Agencije za istrage i zaštitu (SIPA) u akciji kodnog naziva "Sailor" uhapsili su na području Banjaluke i Mostara četiri osobe inicijala M. M., Ž. Đ., D. T. i D. M. Ove osobe sumnjice se da su kao pripadnici organizovane kriminalne grupe iskoristili i zloupotrebili stanje prirodne katastrofe tokom nedavnih poplava. U zvaničnom saopštenju Tužilaštva BiH navodi se da su oni, provodeći istragu u predmetu organizovanog kriminala, došli do saznanja da su vlasnici firme "Bauvelt" izmjestili veliku količinu robe namijenjene prodaji, te sačinili lažnu dokumentaciju da je roba uništena u skladištima usljed poplava, koje su prije dva mjeseca zahvatile RS i BiH. Kako navode u Tužilaštvu, roba u vrijednosti od oko četiri miliona maraka tajno je izmještena na druge lokacije; kako bi bila prodana i unovčena, a uz pomoć radnika UfO BiH. Zatim je napravljena lažna dokumentacija da je roba oštećena i uništena u poplavama, kako bi se izbjeglo plaćanje PDV i dažbina na navedenu robu u iznosu od oko milion i po KM.